

食貨典第一百三十四卷

賦役部彙考二十四

皇清二

順治元年

大清會典戶部賦役一徵收

國家正供原有定額閭閻疾苦惟在橫徵故立法催科區畫詳盡曰火耗曰加派曰預徵曰差提莫不有禁至優免之法抗逋之令咸備載於後云凡徵收錢糧順治元年題准內監地畝錢糧統歸戶部管轄又定各直省錢糧照明萬曆間則例其天啟崇禎時加增者悉予豁除

凡禁革火耗加派順治元年題准官吏徵收錢糧私加火耗者以犯贓論罪

凡差委催提順治元年題准徵收錢糧令花戶自封投櫃禁革催頭以杜紛擾

凡優免丁糧順治元年定軍民年七十以上者許留一丁侍養免其雜泛差役又令京城行

商車戶等役永停蠲派

順治二年

大清會典戶部賦役一徵收凡禁革火耗加派順治二年題准各官蒞任鋪設銀兩嚴行禁革違者

究治

凡優免丁糧順治二年議准品官及舉貢生員雜職吏典應免丁糧其廢官黜弁粟監貲郎俱與民間一例當差有冒濫優免者撫按劾治

順治三年

大清會典戶部賦役一奏報因田定賦計丁授役制云舊矣我

朝釐正冊籍刊發由單清查欺隱咸有成法其例具列於後凡訂正全書順治三年

特遣大臣詣戶部察覈在京各衙門錢糧項款原額及現今收支銷算數目在外各直省錢糧現在熟田應徵起存數目其在內責成各該管衙門在外責成撫按詳考擬定賦役全書進呈

御覽頒行天下

凡清查欺隱順治三年題准州縣官隱地十頃以上者罰俸三個月三十頃以上者罰俸六個

月五十頃以上者罰俸九個月八十頃以上者罰俸一年一百頃以上者降一級調用
徵收凡禁革火耗加派順治三年題准徵收錢糧俱照明萬曆間則例如浮冒多取者照違
旨例治罪侵剋少解者照不及例處分

賦役二考成凡完欠勸懲順治三年覆准司道府州縣官徵收錢糧完欠分數歲終報部查核
完十分者爲上等完六分以上者爲中等完五分以下者爲下等按分數定其殿最

順治四年

大清會典戶部賦役一起運凡劫失順治四年覆准起解日不先申請防護又不經過會城以致劫
失令解官賠補

順治五年

大清會典戶部賦役一徵收凡優免丁糧順治五年題准直省官紳優免例京官一品免糧三十石
人丁三十丁二品免糧二十四石人丁二十四丁三品免糧二十石人丁二十丁四品免糧十
六石人丁十六丁五品免糧十四石人丁十四丁六品免糧十二石人丁十二丁七品免糧十

石人丁十丁八品免糧八石人丁八丁九品免糧六石人丁六丁外任官員各減其半教職舉貢監生員各免糧二石人丁二丁雜職吏承各免糧一石人丁一丁以禮致仕者免十分之七閒住者免其半犯贓革職者不准優免如本戶丁糧不及數者止免實在之數丁多糧少者不許以丁准糧丁少糧多者不許以糧准丁疎遠族屬不得濫免

順治六年

大清會典戶部賦役一奏報凡易知由單順治六年題准由單式每州縣開列上中下地及正雜各項未編總數刊成定式頒發各布政司照式刊板轉行有司給散花戶

順治七年

大清會典戶部賦役一起運凡刼失順治七年題准浙江建寧縣貯庫候解錢糧城陷被刼准予豁免

賦役二考成凡完欠勸懲順治七年題准督撫司督催錢糧向有歲叅季叅截叅摘叅之列但有司藉口荒欠徵收不力令守巡兩道該府與推官併力督催歲終以完欠分數造冊送司

轉報督撫以完欠多寡定各官殿最并核道府廳之勤惰

凡地丁錢糧初叅順治七年題准凡催徵錢糧州縣官欠一二分者罰俸三個月欠三四分者降俸二級欠五六分者降職二級俱戴罪督催停其陞轉完日開復欠七八分者降二級欠九分者降三級俱調用欠十分者革職知府直隸知州以合屬之完欠爲完欠欠三四分者罰俸三個月欠五六分者住俸欠七八分者降職一級欠九十分者降職二級俱戴罪督催布政司以通省之完欠爲完欠欠五六分者罰俸六個月欠七八分者住俸欠九十分者降俸一級戴罪督催至署印接管官未完錢糧查月日多者罰俸一年少者罰俸六個月

凡離任處分順治七年題准催徵未完各官除革職已故免議外其陞遷者于新任內丁憂者于起復日降調者于補官日應降調者照例起送降調應住俸降俸降級戴罪督催者俱罰俸一年

順治九年

大清會典戶部賦役一奏報凡訂正全書順治九年覆准令督撫各飭所屬州縣每歲終備造荒田

有無開墾戶口有無增添訂入全書報部分別勸懲 又題准各省全書責令布政司刊造某項係明末加增應去某項係萬曆間額賦應存每州縣各發一本一存戶房備有司查考一存學宮俾士民檢閱

凡會計冊順治九年題准舊例會計冊備載州縣正項本折錢糧凡起解到部者卽於某項下注明年月日期並解戶姓名以稽完欠而杜侵欺今滿漢文冊並令照式刊行 又覆准會計冊式頒發各布政司將各屬本折錢糧訂正刊刻轉發州縣逐款登填徵完起解數目並年月日期解役姓名年終申司彙呈督撫奏報

凡易知由單順治九年覆准有司每年開徵一月前預頒由單使小民通曉其頒發民間與報部存查者務期一式如單外多派絲毫聽撫按糾劾

徵收凡禁止預徵順治九年覆准直省錢糧應按期徵解有預徵滋擾者聽督撫按指參

起運凡起解錢糧順治九年覆准州縣錢糧向俱解府恐有經承庫役勒索侵那等弊嗣後徑解布政司止在該府掛號

凡委解順治九年議准解役中途盜賣照監守自盜律擬罪家產變賣追賠州縣官濫差匪人者運坐

賦役二考成課吏之典黜幽陟明非專爲會計也

國家命戶部綜理錢穀爰立考成之法蓋綦重矣奏銷則有定限完欠則有勸懲曰初叅曰年限曰交盤曰開復科條嚴密備載于後凡奏銷定限順治九年覆准直省銷算錢糧逐款備造支解完欠清冊戶部據以查核近畿各省限二月終遠省限三月終到部逾限者叅處

凡侵那處分順治九年題准錢糧徵解支放各有款項若爲公務移緩就急謂之那移假公濟私謂之侵欺軍興供用不得已而措用謂之透支借端開銷謂之冒破令撫按清查追抵

戶部庫藏本色錢糧凡解納順治九年議准直省應解本色顏料藥材等項酌議折銀起解
順治十年

大清會典戶部賦役一奏報凡易知由單順治十年題准每年由單令於歲前十一月朔頒發至報部之期俱限十二月終旬如有遲延州縣官每一個月降一級調用司道府官每一個月罰俸

有無開墾戶口有無增添訂入全書報部分別勸懲 又題准各省全書責令布政司刊造某項係明末加增應去某項係萬曆間額賦應存每州縣各發一本一存戶房備有司查考一存學宮俾士民檢閱

凡會計冊順治九年題准舊例會計冊備載州縣正項本折錢糧凡起解到部者卽於某項下注明年月日期並解戶姓名以稽完欠而杜侵欺今滿漢文冊並令照式刊行 又覆准會計冊式頒發各布政司將各屬本折錢糧訂正刊刻轉發州縣逐款登填徵完起解數目並年月日期解役姓名年終申司彙呈督撫奏報

凡易知由單順治九年覆准有司每年開徵一月前預頒由單使小民通曉其頒發民間與報部存查者務期一式如單外多派絲毫聽撫按糾劾

徵收凡禁止預徵順治九年覆准直省錢糧應按期徵解有預徵滋擾者聽督撫按指叅起運凡起解錢糧順治九年覆准州縣錢糧向俱解府恐有經承庫役勒索侵那等弊嗣後徑解布政司止在該府掛號

凡委解順治九年議准解役中途盜賣照監守自盜律擬罪家產變賣追賠州縣官濫差匪人者連坐

賦役二考成課吏之典黜幽陟明非專爲會計也

國家命戶部綜理錢穀爰立考成之法蓋綦重矣奏銷則有定限完欠則有勸懲曰初叅曰年限曰交盤曰開復科條嚴密備載于後凡奏銷定限順治九年覆准直省鉅算錢糧逐款備造支解完欠清冊戶部據以查核近畿各省限二月終遠省限三月終到部逾限者叅處

凡侵那處分順治九年題准錢糧徵解支放各有款項若爲公務移緩就急謂之那移假公濟私謂之侵欺軍興供用不得已而措用謂之透支借端開銷謂之冒破令撫按清查追抵

戶部庫藏本色錢糧凡解納順治九年議准直省應解本色顏料藥材等項酌議折銀起解

順治十年

大清會典戶部賦役一奏報凡易知由單順治十年題准每年由單令於歲前十一月朔頒發至報部之期俱限十二月終旬如有遲延州縣官每一個月降一級調用司道府官每一個月罰俸

古今圖書集成
半年經承吏發配三個月以上州縣官革職司道府官降一級調用經承吏遣戍督撫不行指叅者以徇縱論

凡清查欺隱順治十年覆准州縣地畝過割時積姦里書每多詭寄飛灑跳保更名或有地無糧或地多糧少或大畝改折小畝避重就輕等弊令督撫飭除

徵收凡徵收錢糧順治十年題准截票之法開列地丁錢糧解目分爲限期用印鈐蓋就印字中截票爲兩一給納戶爲憑一留庫櫃存驗按圖各置一冊每逢比較查驗有票者免催未截者追比 又題准布政司頒發印簿令州縣納戶親填簿上季冬繳簿報司

凡差委催提順治十年題准州縣官不許用孤貧衙役恃老行兇下鄉催糧 又題准令布政司先提催解京款項次及兵餉協餉其餘存留季冬催徵撥給

起運凡起解錢糧順治十年覆准州縣徑解必用吏胥恐有掛欠仍行官解法由州縣解府由府解司 又議准直省改折本省錢糧用一條鞭法總收分解其點解地方令官收官解不得

仍累小民永著爲例

凡批廻順治十年覆准起解錢糧布政司先發空白批文百張編定號數府州縣起解時印填領解姓名投司司查批到先後以杜侵冒 又題准直省錢糧州縣簽批解府府但掛號不必轉批州縣印封銀到府府但彙解不必折封止加府印鈐蓋

賦役二考成凡奏銷定限順治十年覆准各省銷算歸布政司直屬銷算歸各府每歲終彙造清冊赴部投遞

凡完欠勸懲順治十年覆准經徵完欠宜分任事久暫凡開報經管官職名必注明到任離任月日不得前後那移

凡地丁錢糧初叅順治十年題准州縣官欠一二分者住俸欠三分者降俸一級欠四分者降俸二級欠五分者降職一級欠六分者降職二級俱戴罪督催欠七分者降職一級欠八分者降職二級俱調用欠九分十分者革職

戶部庫藏本色錢糧凡解納順治十年

諭民間辦解物料愈點解戶賠累難堪其應解本色更議折多解少併令官收官解不得仍派小民

兵部車駕司驛站錢糧凡奏銷驛站錢糧順治十年覆准直省驛站錢糧責成驛傳道令各州縣按季造冊呈送該道轉繳督撫核實具題到部分別考成至各驛衝僻不同宜通融協濟及期完解仍將完欠數目填冊以憑考核

順治十一年

大清會典戶部賦役一奏報凡訂正全書順治十一年覆准賦役全書有關

國計民生令戶部會同戶科酌定務期永遠遵行

徵收凡抗糧處分順治十一年覆准錢糧係

國家亟需紳衿里民一體輸納州縣糧冊當分宦戶儒戶民戶三項如豪紳劣衿挾制官府抗不納糧詭寄包攬者指名叅奏

起運凡批迴順治十一年覆准州縣起解錢糧先期申報司府填入驗批簿內一面起批限期解交該衙門仍將批發回不得踵蹈臥批之咎州縣隨將領過批迴實收具文申報登簿存驗又覆准直省錢糧布政司已給批收卽將解過欸項數目彙造清冊半年一報部寺科道衙

門以憑磨對其錢糧解交後批迴未獲或係解役侵欺或係某衙門臥批速查咨部叅處
賦役二者成凡奏銷定限順治十一年題准州縣錢糧按年分項備造清冊送府銷算府冊送
司銷算司冊送部銷算各有專責不得派費累民違者督撫叅奏

順治十二年

大清會典戶部賦役一徵收凡徵收錢糧順治十二年覆准江南財賦繁多經收諸役包攬侵漁保
歇朋比那移剝民令嚴行察訪勒石永禁

凡禁革火耗加派順治十二年

詔各地方錢糧凡橫斂私徵暗加火耗荒田逃戶灑派包賠非時預借等弊嚴行禁革犯者督撫糾
叅

凡差委催題順治十二年覆准州縣應徵錢糧許司道行文立限提催不得差役擾害 又

特遣戶部滿洲司官往江南浙江江西山東山西河南六省會同巡撫布政司督催解部錢糧

起運凡起解錢糧順治十二年覆准直省錢糧有徑解部者有司府彙解部者徑解甚速彙解

反遲嗣後令州縣徑自解部以杜司府那借之弊

凡委解順治十二年覆准江南蘇松常三府屬領解員役侵蝕積逋限文到三月內照數完納如逾限不完犯正法估變家產抵償倘人亡產絕令原委解衙門官賠補

凡劫失順治十二年覆准江西建昌府領解錢糧中途被亂兵搶失免令追賠

賦役二者成凡奏銷定限順治十二年題准奏銷本年錢糧報部定限直隸山東山西河南陝西限次年二月終江南浙江江西湖廣限三月中福建四川廣東廣西限三月終 又覆准州縣銷算錢糧冊案不清布政司提究經承不得擅提印官離任曠職

凡完欠勸懲順治十年覆准帶徵錢糧各官次年五月全完者優陞

凡地丁錢糧初叅順治十二年題准布政司知府直隸知州通計督催所屬錢糧欠一分者罰俸六個月照常陞轉欠二分以下者照州縣一體叅罰 又覆准州縣官欠一分者降俸一級

欠二分者降俸二級欠三分者降職一級欠四分者降職二級欠五分者降職三級俱戴罪督催欠六分者降職一級欠七分者降職二級俱調用欠八分以上者俱革職司府直隸知州亦

照此例叅罰巡撫有兼理糧餉之責欠一分者罰俸三個月欠二分者罰俸六個月欠三分者住俸欠四分者降俸一級欠五分者降俸二級欠六分以上者降職二級俱戴罪督催

凡侵那處分順治十二年題准凡錢糧那移查係真正緊急萬難遲緩者准其開銷

順治十三年

大清會典戶部賦役一奏報凡攢造黃冊順治十三年議准直省黃冊五年攢造一次

凡赤曆順治十三年題准州縣赤曆冊每年頒發二扇一備謄真一令百姓自登納糧以杜朦混侵漁之弊

凡易知由單順治十三年題定由單報部日期應量地遠近酌定直隸限十二月終到部山東山西河南限正月終到部江南浙江限二月中到部江西湖廣陝西限二月終到部福建廣東限三月中到部四川廣西限三月終到部如州縣衛所官遲報一箇月者罰俸三箇月遲兩個月者罰俸六箇月遲三箇月者罰俸一年遲四五箇月者降一級遲六七箇月者降二級俱調用司道府都司遲報每一箇月罰俸一個月遲四五箇月者罰俸六箇月遲六七箇月者降俸

一級留任經承吏遲一箇月者革役三箇月以上者發配半年以上者遣戍 又覆准由單欵式先載州縣地丁原額次列除荒實徵總數又次開里甲花戶某則地除荒實徵銀糧若干某則人丁除逃亡實徵銀若干後開地丁共該納銀糧若干飭令州縣照式刊刻使小民易曉

凡清查欺隱順治十三年

詔直省有隱漏田糧以熟作荒者許自首免罪並不追理以前所隱錢糧其首出地畝當年起科如待他人發覺仍治罪追糧

徵收凡差委催提順治十三年覆准直省積逋錢糧令每府選府佐一員詣所屬州縣徹底清查

起運凡起解錢糧順治十三年覆准直屬州縣錢糧原無布政司俱令解府總收解部各省州縣錢糧仍由府掛號解司不必轉批彙解

賦役二考成凡地丁錢糧初叅順治十三年題准署印州縣衛所官除未及一月者免議外署印一月以外欠一二分者罰俸三個月欠三四分者罰俸六箇月欠五六分者罰俸九箇月欠